



UNIVERZITET U ZENICI REKTORAT

- SENAT -

Broj: 01-02-5-4425/21.

Zenica, 24.11.2021. godine

Na osnovu člana 53. stav (2) tačka n) Zakona o visokom obrazovanju („Službene novine Zeničko-dobojskog kantona”, broj: 6/09, 9/13, 13/13, 4/15, 5/18, 4/19, 19/20 i 15/21) i člana 63. stav (2) tačka ii) Univerziteta u Zenici (Prečišćeni tekst), Senat Univerziteta u Zenici na svojoj 08. vanrednoj sjednici održanoj 24.11.2021. godine donio je

ZAKLJUČAK

1. Senat Univerziteta u Zenici ističe značaj oblasti visokog obrazovanja, te ulogu Univerziteta u pogledu djelovanja, zakonskog uređenja i realizacije zadataka koji iz ovog proizilaze. Neophodno je obezbijediti adekvatnu i efikasnu saradnju svih subjekata vezanih za visoko obrazovanje, a naročito Univerziteta i Ministarstva za obrazovanje, nauku, kulturu i sport Zeničko-dobojskog kantona.

2. U odnosu na posebno bitnu aktivnost donošenja novog Zakona o visokom obrazovanju Zeničko-dobojskog kantona, Senat Univerziteta u Zenici je mišljenja da aktivnosti vezane za pripremu pomenutog Zakona nisu postavljene niti vođene na adekvatan način, uslijed čega je došlo do neusklađenog djelovanja kao i ignorisanja i negiranja uloge Univerziteta koja mu po prirodi poslova koje obavlja i u skladu sa zakonom pripada. Ovo se posebno ogleda u činjenici da sve ukazuje na to da su prijedlozi i sugestije za nacrt predmetnog Zakona koje je utvrdio Univerzitet posredstvom svojih članova predloženih od strane Senata u potpunosti odbijeni odnosno ignorisani, što smatramo apsolutno neprimjerenim i neprihvatljivim.

3. Polazeći od prethodno navedenih činjenica i okolnosti i odredaba relevantnih propisa pozivamo predstavnike Ministarstva za obrazovanje, nauku, kulturu i sport da preispitaju svoj stav, te omoguće nastavak procedure utvrđivanja nacrta zakona kroz rad Komisije imenovane od strane Ministarstva, koji između ostalog podrazumijeva ozbiljno razmatranje i prihvatanje osnovanih i argumentovanih prijedloga Univerziteta. U vezi s ovim predlažemo konkretno zajedničke aktivnosti na način organiziranja sastanka, te razmatranja i usaglašavanja relevantnih pitanja u vezi sa Zakonom. U slučaju da navedeni prijedlozi i sugestije Senata Univerziteta u Zenici ponovo budu ignorisani, bićemo prisiljeni da sa istim upoznamo sve relevantne subjekta kao i širu javnost.

4. U okviru prethodno pomenute aktivnosti, Senat Univerziteta u Zenici će razmotriti pitanje i potrebu poduzimanja i drugih odgovarajućih mjera i radnji poput organiziranja odgovarajućeg izjašnjavanja unutar akademske zajednice, te potpisivanja peticije u vezi sa istim.

Dostavljeno:

1x Premijer ZDK

1x Ministarstvo za obrazovanje, nauku, kulturu i sport

1x Rektor

1x a/a

PREDSJEDAVAJUĆA SENATA

Prof.dr.sc. Larisa Velić